

Publicaziuns officialas dils 7 november 2025

Vischnaunca Trun

Sessiun dil cussegl da vischnaunca

Gliendisdis, ils 10-11-2025 allas 19.30 ell'aula dalla casa da scola.

Tractandas:

1. Approbaziun dil protocol dalla sessiun dils 25-08-2025
2. Elecziuns dil biro dil cussegl
 - President(a) dil cussegl
 - Vicepresident(a) dil cussegl
 - 2 dumbravuschs
 - 2 suppleants(as) da dumbravuschs
 - Actuar(a)
3. Preventiv 2026
4. Fixaziun dil pei da taglia per igl onn 2026
5. Pusseivladad da tschentar damondas

Administraziun communal Trun

Tagliar caglias agl ur dallas vias

Nus supplichein las proprietarias ed ils proprietaris da curtins, praus ed Orts che cunfineschan cun las vias communalas da tagliar entochen ils 30 da november 2025 caglias e plantas che creschan sur il cunfin privat ora ed impedeschan aschia la vesta sin via. Quella mesira necessaria survescha alla segirtad dil traffic. Vegn nossa supplica buca respectada ed ademplita tochen il termin fixau, resalva la suprastanza communal il dretg d'incaricar ils luvriers dil menaschi tecnic cun quella lavur sin donn e cuost dil proprietari.

Suprastanza communal Trun

Sera da film e cudisch 600 onns Ligia Grischa

Fiastetta da finiziun digl onn festiv centenar: Sonda, ils 22-11-2025 allas 19.00 uras el center communal

Ei vegn mussau per l'emprema ga il film dallas festivitads 600 onns Ligia Grischa. Plinavon ha liug la vernisbascha dil cudisch da fotografias cun pusseivladad da comprar quel. Silsuenter vegn purschiu in aperitiv en sala da cultura. La suprastanza communal envida coridalmesin l'entira populaziun sco era tuttas gidontras e tuts gidonters dalas differentas occurrenz.

Suprastanza communal Trun e gruppa da lavur «Sut igl Ischi 2024»

Pumpiers Sumvitg-Trun

Ei brischa e negin vegn! Quella situaziun vulein nus evitare per quei motiv drovan ils pumpiers Tei!

Eis Ti in um ni ina dunna dall'annada 2004 ni pli vegl/ia e lavuras bugen el team? Lu s'annunzia tiel cumandant R. Keller: dodge_rk@hotmail.com / 079 763 59 49

Sera d'informaziun: 25-11-2025 / 19.30, persunas dalla vischnaunca da **Trun s'entaupan el local a Trun**

persunas dalla vischnaunca da **Sumvitg ad Igniu**

Corp da pumpiers Sumvitg-Trun

Dis da viseta

Nus envidein cordialmein als dis da viseta ellas casas da scola a Rabius ed a Trun. Quels han liug venderdis e sonda, ils 21 ed ils 22 da november 2025, e quei mintgamai igl avonmiezdi. Per evitar pli gronds disturbis supplichein nus las vise'tas da mintgamai entrar all'entschatta dalla lecziun e da sortir alla fin dalla lecziun. Ils bus da scola cureschan sonda avonmiezdi sco in avonmiezdi ordinari. Nus selegrein da Vossa viseta.

Las scolaras ed ils scolars cun lur persunas d'instrucziun

Biblioteca Trun

Di dallas portas aviartas

Sonda, ils 15 da november 2025 dalle 9.30-11.30 e 16.30-18.30 envida la Biblioteca Trun al di dallas portas aviartas.

Tier in cafe ni in migiel vin lein prender pedada discuo'rer cun nossa clientella e passentar in mument en buna cumpignia.

Las bibliotecaras selegran sin vossa viseta

Uniun/Verein Trun Cultura

SPAZI d'art Matias Spescha

En connex cun 100 onns Matias Spescha ha liug la tiarza exposiziun cun Not Vitale Matias Spescha Guida (annunzia buca necessaria):

– **Dumengia, ils 9 da november** allas 14:15–15:15 entras Alexa Giger, intermediatura d'art
L'exposiziun cuoza tochen ils 16 da november 2025

SPAZI d'art Matias SPESCHA

Anlässlich von 100 Jahre Matias Spescha findet die dritte Ausstellung statt mit Not Vital und Matias Spescha.

Führungen (ohne Anmeldung):

– **Sonntag, 9. November** 14:15–15:15 durch Alexa Giger, Kunstvermittlerin

Die Ausstellung dauert noch bis zum 16. November 2025

Uniun da dunnas Trun/Zignau

Suentermiezdi creativ

Temps d'esser creativs en cumpignia! Nus s'entupein mesjamna, ils **12 da november 2025** allas 14.00 uras en scola Trun (stanza textil) cun nos projects, giugs ni per star ensemen da cumpignia. Tgi che sa buc organisar sezza in taxi, sa s'annunziar tochen dus dis avon tier Manuela Schwarz (077 406 21 08). L'Uniun da dunnas envida cordialmein e selegra sche Ti eis era dalla partida.

Cuors da zambergiar bratschelets cun craps/craps curativs

Nus creein bratschelets fetg unics e persunals cun craps/craps curativs. La menadra Gabriela Lutz-Tuor vegn cun ina gronda elecziun da differentas sorts crappa.

Mesjamna, ils 12 da november 2025 allas 18.00- 21.30 en casa da scola Trun. Bugen prendel jeu encunter vossas annunzias tochen gliendisdis, ils 10 da november 2025 (sfdecurtins@bluewin.ch, 079 389 29 49). Las annunzias ein ligiontas. Sin bien seveser

il comite

Gruppa da pensiunai Trun

Meisa da miezdi mesjamna, ils 12 da november 2025 allas 12:00 en cafeteria dalla casa s. Martin, Trun. Suentar plirs onns da pausa vuless nossa gruppa puspei schar revive la sentupada tier in gentar per promover la cumminonza e passentar in per uras da cumpignia. Nus envidein tuttas persunas ella vegliadetgna dalla pensiun ni che stattan silla sava da quella. Annunzias entochen venderdis, ils 07-11-2025, M. Schmed, 079 211 97 95, M. Rensch, 079 564 96 39. Cordialmein envida

la gruppa da pensiunai